

*Kvinnherad går inn i ein periode kor det er auka aktivitet i næringslivet og ein har ei hjørnestinsbedrift som gjer store investeringar og som igjen tar ei tydeleg rolle i lokalsamfunnet. Gjennom ein Strategisk næringsplan kan politikarar, næringsliv og engasjerte innbyggjarar vera med å staka ut kursen for korleis Kvinnherad kommune skal vera med å bidra til å skapa ein god kommune for næringsutvikling.*

# Planprogram

Strategisk næringsplan

## Innhold

1.	Mandat og organisering av arbeidet med planprogrammet.....	1
1.1	Organisering: .....	2
2.	Planstatus, rammer og føringar.....	2
3.	Problemstillingar, plantema og trøng for utgreiingar .....	3
4.	Medverknad .....	5
5.	Prosess.....	6
5.1	Planprogram .....	6
5.2	Milepælar .....	7

## 1. Mandat og organisering av arbeidet med planprogrammet

Det står i kommunens planstrategi at Kvinnherad kommune skal ha ein næringsplan. Dette i ei tid kor kommunen si rolle som næringsutviklar har blitt stadig meir kompleks dei siste åra og skilte mellom næringsutvikling og anna samfunnsutvikling har blitt mindre. Prognosane seier at det vil bli ein nedgong i folketalet i Kvinnherad og det vil bli ein auke av eldre. Det gjer at ein kan få ufordringar med å få tak i arbeidskraft og rett kompetanse. Planen vil omhandla blant anna korleis ein skal jobba med næringsutvikling i kommunen, grøn satsing som til dømes ein grøn næringspark, tilrettelegging for Smart City-tankegong og ein tett link til Kvinnherad 2050. Kvinnherad kommune ynskjer å vera ein drivar for at Kvinnherad vert ein attraktiv stad å bu og jobbe i framtida.

Kommunen kan ha fleire roller innan næringsutvikling og dei kan delast opp i:

- Forvaltningsrolla: sørge for å ivareta breie samfunnsmessige interesser i forhold til offentlege lover, forskrifter og reglement.
- Produsentrolla: yte tenester ovanfor lokalt næringsliv (bedrifter og etablerarar). Dette kan både omfatte disponering av ulike økonomiske verkemidlar, og å yte rettleiing og rådgjeving.
- Entreprenørrolla: initiere og gjennomføre utviklingsprosjekter i samarbeid med næringslivet, utvikle og fylgje opp strategiske planar, delta aktivt på lokale næringslivsarenaer, gjennomføre bedriftsbesøk m.m. Mykje av denne aktiviteten og engasjementet er kjenneteikna av å

vere tilrettelegging for næringslivsvekst, og grunna i at det indirekte bidrar til ønska næringsutvikling. Dette kan være rekrutteringstiltak, sentrums- og eller stadutvikling, utvikling av nye utdanningstilbod, m.m.

Kjelde: distrikssenteret.no

## 1.1 Organisering:

Oppdragsgjevar:	Kommunestyret
Prosjekteigar:	Rådmannen
Prosjektleiar:	Seksjon for kultur, næring og utvikling v/Silvia Tofte, innleigd frå KNS
Prosjektgruppe:	Næringsrådgjevar Karin Thauland, Kommunalsjef Gunn Tove Petterteig og Plan(KNU*)
Referansepersonar:	Kvinnherad Næringsservice, andre næringsorganisasjonar og leiargruppa i kommunen.

\*KNU = Seksjon kultur, næring og utvikling

## 2. Planstatus, rammer og føringar

Det vert i desse dagar utarbeidd heilt ny kommuneplan, samfunnsdel og arealdel, som skal vere ferdig i 2020. Dei overordna føringane og prioriteringane i kommuneplanen skal speglast i næringsplanen. Dessutan vil mål og strategiar i kommuneplanen sin samfunnsdel verte satt til å følgjast opp gjennom næringsplanen. Samstundes vil òg næringsplanen forsyne sjølve kommuneplanen med innhald fordi det er eit overlapp i tid. Andre relevante, tematiske kommunedelplanar som er under arbeid eller vert rullert framover:

- Kommunedelplan for regionsenter Husnes - Ny
- Kommunedelplan for landbruk - Rullering
- Kommunedelplan for samferdsle - Ny
- Kommunedelplan for klima og miljø - Rullering
- Kommunedelplan for kulturminner - Ny

Både kommuneplanen og dei nemnte kommunedelplanane er altså under arbeid, og det vil difor vere viktig at desse vert koordinert slik at dei heng saman og utfyller kvarandre.

### Relevante vedtekne kommunale planar og dokument:

- Planstrategi 2015-2019
- Økonomiplan (2018)
- Kommuneplan for Kvinnherad, arealdel (2018)

- Kommuneplan for Kvinnherad, samfunnsdel (2000)
- Klima- og energiplan for Kvinnherad kommune (2011)
- Landbruksplan (2004)
- Næringsplan (1993)
- Bustadplan (2017)

**Regionale føringar og retningsliner:**

- Regional Næringsplan (2013)
- Regional plan for attraktive senter i Hordaland (2014)
- Regional plan klima og energi for Hordaland 2014-2030
- Regional transportplan Hordaland 2018-2029

**Nasjonale føringar og retningsliner:**

- [Nasjonale forventingar til regional og kommunal planlegging, 2015](#)
- [Statlige planretningslinjer for klima- og energiplanlegging og klimatilpasning](#)
- [Rikspolitiske retningslinjer for barn og planlegging](#)

### 3. Problemstillingar, plantema og trøng for utgreiingar

Det er behov for å målrette og koordinere innsatsen for næringsutvikling innan:

- Kommunikasjonar/mobilitet
- Kompetanse/rekruttering
- Omdømmebygging/marknadsføring
- Den grøne skiftet
- Næringsareal
- Etablerer- og utviklingsbistand
- Næringsfond
- Organisering av næringsarbeidet

Planen skal:

- Gje retning for Kvinnherad kommune og andre lokale aktørar for fremjing av innovasjon og næringsutvikling i kommunen.
- Vise kva utfordringar som er særskild viktige for Kvinnherad og viktige strategiar for å nå desse måla.
- Gje prioriteringsgrunnlag for kommunen sitt arbeid for ta vare på eksisterande arbeidsplassar, skape nye og å gjere kommunen til ein attraktiv stad å bu og arbeide i.
- Planen vil gje kommunen tydelege målsettingar og verktøy for strategisk styring av næringsutviklinga i Kvinnherad.

Allereie gjennomførte situasjonsanalysar som vert knytt til planarbeidet:

- Energikartlegging av Kvinnherad kommune
- Spørjeundersøking «Ungdom 2018», utført på Næringsdagen 2018
- Hydrogenproduksjon i Kvinnherad
- Klimasmart Landbruk i Kvinnherad
- Datalagring i Kvinnherad

## Status

I næringsplanen vil ein sjå kor kor Kvinnherad er i dag, setje fokus på kor me ynskjer å vera, samt setja mål og strategiar for korleis ein skal få til denne utviklinga.

Kvinnherad kommune har i den seinare tid hatt ein auka aktivitet grunna investeringar og behov for meir arbeidskraft hjå Hydro Husnes. Dette kjem i ei tid kor ein har gått frå å ha fire markante livbåtaktørar i kommunen til i dag å ha ein. Samstundes har det vore store utfordringar i verftsindustrien og den marine sektoren. I 2017 mista ein mange arbeidsplassar grunna nedgang i oljenæringa. I dag er det i stor grad positive framtidsutsikter i mange verksemder og fleire kan visa til stor vekst. Men sjølv om ein kan visa til ein slik aktivitet er det likevel ein jobb å gjera med å tilretteleggja for nye arbeidsplasser. Om ein knyt det opp mot utfordringane som ein vil få i framtida med fleire eldre og færre innbyggjarar i arbeidsfør alder er det nå ein må satse på og legge grunnlaget for framtidig utvikling. Kommunen bør greie ut moglegheitene for korleis ein kan bli ein attraktiv stad for å etablera nye verksemder og kva som skal til for at allereie etablerte aktørar ynskjer å etablera seg i Kvinnherad. Eit eksempel her kan vera å sjå på moglegheitene for ei grøn industrikklynge. Det er også vedtak

om at Kvinnherad kommune skal tilsetja ein næringssjef. Det gjer at det er naturleg at ein i næringssplanen ser på korleis ein bør nytte ein slik stilling til næringsutviklingsarbeid i kommunen, samt at ein ser på ei rollefordeling mellom Kvinnherad kommune og Kvinnherad Næringservice. Det skal også sjåast på korleis kommunen kan sikre seg gode avgjerdss prosessar i forhold til vedtak som gjeld næringsutvikling og korleis ein bør mobilisere til ny aktivitet.

## 4. Medverknad


I planprosessen vil det bli lagt vekt på å styrke medverknad allereie tidleg i prosessen og syte for god politisk forankring. Det skal leggast til rette for medverknad for ulike grupper både i prosessen med planprogrammet og i arbeidet med planen så tidleg som mogleg. Det er ynskjeleg med ein open, brei og tilgjengeleg medverknadsprosess, og det skal leggjast til rette for fleire grupper i samfunnet. Vidare vil det bli arrangert ope møte og det vil bli aktiv bruk av heimesida og sosiale medium for å gje informasjon om planarbeidet.

Det vert lagt opp til brei medverknad med blant anna:

- Stand på Næringsdagen
- Kvantitative undersøkingar
  - o Spørjeundersøkingar
    - Døme: Unge 13-18 år
- Kvalitative undersøkingar
  - o Samtalar med næringsaktørar
  - o Samtaleforum
    - Kvinnelege leiarar i Kvinnherad
    - Kreativ prosess for næringslivet hjå Kvinnherad Næringservice
- Oppslag i lokalmedia. Det vil bli presentert funn undervegs og ein håpar at dette vil skape engasjement og tilknyting til planen.
- Ope møte i forbindelse med Kvinnherad 2050 under tema «Næring»

## 5. Prosess

### 5.1 Planprogram



## 5.2 Milepælar

Milepælar:			
Ansvar:	Milepæl:	Start:	Ferdig:
KNU	Sak til formannskapet om oppstart planarbeidet og forslag til planprogram	des.18	feb.19
KNU	Varsel om oppstart av plan		feb.19
KNU	Høyring og off ettersyn planprogram	feb.19	apr.19
KNU	Revidere planprogram etter høyring	apr.19	mai.19
Formannskap	Tilrår fastsetting av planprogram		mai.19
Kommunestyret	Fastsette planprogram		mai.19
KNU	Lage forslag til strategisk næringsplan	feb.19	sep.19
Formannskap	Vedtak om høyring og off. ettersyn		sep.19
KNU	Planforslag til høyring/off. ettersyn	sep.19	okt.19
KNU	Revidere planforslag etter høyring	okt.19	nov.19
Formannskap og kommune-styre	Sluttbehandling	nov.19	des.19
Formannskap	Kunngjøre, publisere og presentere planen i ulike fora	des.19	jan.20

Kjelder:

Distriktsenteret [www.distriktsenteret.no](http://www.distriktsenteret.no)